

Nunat Aqqinik Aalajangiisartut apriliip ulluisa 17-ianni 2002, nal. 10.00

Oqaasileriffimmi ataatsimiinnerannit imaqarniliaq.

Peqataasut:

Carl Chr. Olsen, Karl Elias Olsen, Mariane Petersen, Stephen Heilmann, Kelly Berthelsen.

Allatsi:

Pia N. Knudsen.

Oqaluuserisassat:


1. Oqaluuserisassat akuerisassanngorlugit saqqummiunnerat.
2. Imaqarniliap akuerisassanngorlugu saqqummiunnera.
3. Ilisimatitsissutit.
4. "Ersaa"/"Ersaataa" nangillugu.
5. Avammut saqqummertarnissaq ilusissaalu. (KEO)
6. Ukiuni tullerni anguniagassat. (KEO)
7. "VOW" Vigdis Finnbogadottir.
8. Taasariaqartut allat.

-1 pillugu-

Oqaluuserisassat akuerineqarput.

-2 pillugu-

Imaqarniliaq akuerineqarpoq.



-3 pillugu-

CCO: Inatsisartut ataatsimiinneranni kalaallisut oqaatsivut pillugit Inatsisartunut ilaasortat ataasiakkaat apeqquteqaataat CCO-p eqqaavai.

Lars Karl Jensenip apeqquteqaataanut akissutigineqarpoq qallunaatuumiit kalaallisuumut ordbogi suliarineqartoq.

Kisitsisit 20 qaangerlugu kalaallisut taaguuteqalernissaannik siunnersuutigineqarmat CCO-p nangaanartillugu akissutissaliorsimavaa.

ICC-mi siulersuisut ataatsimiinneranni ICC-p oqaatsit pillugit isumalioqatigiissitaa nalunaarutaagal-lartumik saqqummiussivoq.

Inuit oqaasiisa pingaartinneqarnerat aasaru ICC ataatsimmersualerpat itinerusumik eqqartorneqassasoq CCO-p ilisimatitsissutigaa.

- 4 pillugu -


KEO: KEO Kalâtdlit il.il. III-mi Kristoffer Lyngep allagaani nuna Erssât-mik taa-neqartoq nas-saarisimavaa.

MP: MP-p utoqqaat apersortarnerini paasisimavaa Ersataa nunap Ersataa ateqassutigigaa.

SH: SH isumaqarpoq sumiissuseq apeqqutaalluni atersuisoqartartoq. Nunap suminngaanniit isigin-era apeqqutaalluni inuit atersuisarunartut SH isumaqarpoq.

Nunat Aqqinik Aalajangiisartut nunat aqqi suminngaanniit pissarsiariniartassan-nerlugit isumaqatigiittariaqartut SH isumaqarpoq. Nunat atitoqaat aqquillunniit nutaat aalajangiin-ermi ator-neqartassanersut isumaqatiissutigineqassasut SH-p siunnersuutigaattaq.

CCO: Nunat Aqqinut Aalajangiisartut malittarisassaasut malillugu aalajangii-sarnerit ingerlanneqar-tassasut CCO-p oqaatigaa. Taamaattorli Nunat Aqqi ator-neqalersimasut piiarneqassanngitsut CCO-p oqaatigaattaq.



KB: Nunat aqqinik tunngvilimmik atersuisarnissaq KB-p siunnersuutigaa, “piumasaannarminnik” taaguisut akueriinnarneqartannginnissaat KB-p kissaatigaattaq.

KEO: KEO misissueqqissaariarluni “Ersaa” uterfigeqqissallugu oqaatigaa.

KEO-p “Ersaa” nangeqqissagaa aalajangerneqarpoq.

- 5 pillugu -


KEO: KEO-p siunnersuutigaa Nunat Aqqinik Aalajangiisartut Nunatsinni saqqummertartussamik immikkut saqqummiussiveqalernissaat. Taassumali iluani marlunnik immikkoortortaqaarnissaa siunnersuutigaaattaq, tassa suut akuerineqarsimanersut-suna tunngaviunersoq suullu tusarniaataanersut. Kommunit nunat aqqi pillugit qanoq siunertaqaarnersut tusarniaaffiginissaat pisariaqartoq KEO-p oqaatigaattaq.

KB: Inuit nunat aqqinik nalunnginnittut paasissutissanik Nunat Aqqinik Aalajangiisartunut tunnius-suisalernissaat nassiussuisalernissaallu KB-p siunnersuutigaa.

CCO: CCO KEO-p siunnersuutaanut isumaqataavoq. Siunnersuummut atatillugu Nunat Aqqinik Aalajangiisartunut sullissisussamik atorffinitsitsinikkut pilersitsi-sinnaaneq eqqaavaa.

MP: MP isumaqarpoq imminut akilersinnaanersoq atuagassiat atuutereersut soorlu Atuagagdliutit Sermitsiaq-llu aqqutigalugit saqqummertarunik.

Saqqummertalernissamik siunnersuut Atuagagdliutitigoorsinnaanersoq misissuiffigineqartus-sanngorpoq.



-6 pillugu-

KEO: Ukiuni tullerni anguniagassanut pilersarusiornissaq KEO-p siunnersuutigaa. Pilersaarutillu siunnersuutaata iluaniipput aningaasartuutissanik missin-gersuineq, tusagassiuutitigut-isiginnaagassiuutitigut saqqummertariaqarneq nunallu aqqisa taaguutaasa misissornissaat aalajangersaaffiginissaallu.

Tulliani ataatsimiinnissamut KEO-p KB peqatigalugu siunnersuutip ilusilersorlugu saqqummiun-neqarnissaa piareersassavaat.

-7 pillugu-

CCO: Ukioq 2005-mi "VOW" oqaatsit pillugit saqqummersitsiniarpoq, kalaallit oqaasii kisiisa pin-nagit aammali INUIT issittormiut oqaasii tamaasa pillugit

-8 pillugu-

KB: Ukiaru augustiminngaanniit Århusimi Højere Handelsskolimi ilinniarluni aallartissaaq, ukiullu pingasut ilinniartunissani naatsorsuutigaa.

Ataatsimiinneq tullegq pissaaq majip arfineq pingajuanni, nal. 10.00.

Carl Chr. Olsen
Siulittaasoq

Pia N. Knudsen
Allatsi